

四庫未收書輯刊編纂委員會編

四庫未收書輯刊

北京出版社

拾輯・貳拾壹冊

四庫未收書輯刊

四庫未收書輯刊編纂委員會編

北京出版社

拾輯・貳拾壹冊目錄

話墮集三卷二集三卷三集三卷〔清〕釋篆玉撰

一

謙谷集六卷〔清〕汪筠撰

八一

樗莊文稿十卷尺牘一卷詩稿二卷〔清〕沈維材撰

一一九

于湘遺稟五卷〔清〕樓綺撰

三二三

永宇溪莊識畧六卷首一卷續識畧一卷〔清〕曹庭棟撰

三六七

東莊遺集四卷〔清〕陳黃中撰

四二一

山舟紉蘭集二卷〔清〕陳敬撰

四六一

澄秋閣集四卷二集四卷三集四卷〔清〕閔華撰

五〇五

澥陸詩鈔九卷

〔清〕顧于觀撰

六二七

陶人心語六卷

〔清〕唐英撰

六七一

〔清〕釋篆玉撰

話墮集三卷二集
三卷三集三卷

清刻本

話墮集

李屏五人小像



紀青寫

話墮小像

話墮像贊

一葉飄然萬緣不挂身
 游環中心超塵外
 荷澤宗風杼山詩派妙音
 密圓辯才無礙

安遇居士金志章



南屏詩僧自宋北礪而後有椿大年與楊廉夫游
句云揚雄宅外好修竹黃妃塔前多翠微其標致
可想見也寥寥四百年迺得萬峰讓師師道韻灑
落戒行高峻每愛以韻語爲佛事與白衣居士相
提唱空靈圓秀無一字不從七箇蒲團上來卻無
一字有折腳鐺邊蔬筍氣無論遠近書畫越徹卽
此話墮一編不可與北礪大年嗣音耶乾隆戊辰
二月花朝錢唐厲鶚拜題

話墮集

厲序



歲在闕逢困敦里中諸宿老閒適無事扇兩湖之
芳風追入社之逸軌吟興聿新佛香時接牽率入
社者北山則恒公南屏則讓師也讓師蓋纏永離
辨才不斷破械作詩正如發微妙音證無畏義以
禪爲大超耶以詩爲小超耶吾不得而辨矣而師
且標集曰話墮是崇彼法而輕言志永言之教也
亦以世之泯泯勢勢以言詩者之衆而思力矯之
也嗚呼執相狗名鋼迷識浪澄觀朗悟在下天下
地者旣無能以爲役窮老盡氣凋肝腎以爲詩非
不專矣而四深二廢四離之旨又復使方外得專
話墮集

杭序

杭世駿

凡事有義三焉空假中三三原是一一復成三而
 話亦如之故無話墮空有話墮假無話心聲蘊也
 不曰空中有假有話心聲申也不曰假亦合空空
 假不二中道斯立立非言不述述仍墮乎空假也
 蓋世出世人不憚乎墮憚乎無述也竊思學佛者
 警語自閑韻言固所當懲若會參牛而飽馬不妨
 拈掇滯在句下儋板何辭余自雍正癸卯至乾隆
 戊辰二十餘年中閒腰包南北雲水徜徉高會時
 臻好懷日有聯吟接袂勿管其有無俱墮頗愜聞
 根聲消話歇依舊證空假雙彰未泯聞性是旨豈
 話墮集

自序

一

不與第一義諦冥相脗合乎古德云無言已墮第
 二義况有言乎若一概無言義從誰剖有言方顯
 無言無言之祕斯詮禪原無闕因境不被境轉制
 境之道方呈佛所不呵是以寧違古德之箴存茲
 話墮之集人或恐蹈伊人之侮譙寶祕不宣余惟
 恐伊人之不我議樂以竿木隨身逢場索笑也四
 月朔日嶺雲道人篆玉自序

話墮集

卷一

古今體詩七十二首

卷二

古今體詩七十五首

卷三

古今體詩六十六首

話墮集

目錄

一



話墮集卷一

西湖

獨游龍井

入山日色掩一路烏柏陰叢密翳修阻茲寺疑無
尋夕陽慰我獨雞聲聞中林名泉注廢甃老屋荒
烟沈大蘇與僧辯述銷秋蛩吟莫謂竟無獲歷歷
青遙岑

山居

卜築青山下幽懷自不羣風輕香結篆路滑砌生
雲無事向人說將心對石云柴門殊寂寂清磬隔
話墮集

溪聞

吳貢士焯同施進士厲孝廉丁處士
敬過山房納涼

山圍菌閣畫愔愔坐聽高談不厭深蓋覆渠將禪
可縛分疏我敢口如瘡多情魚鳥增幽興隨意茶
瓜清暑吟旋繞池邊凡幾巾新詩都在蕩香陰

春雨

山抹雨絲青髻溼風回烟沼綠膚皺黃鸝故坐花
閒語亦似嘲人亦媚人

法相寺

樞衣躡沙嶺著意度花津忽聽穿林磬來參不壞
身爐烟昏古殿庭樹綠初春卓錫泉猶在真堪濟
世塵

春暮和張山人韻

獨憐闌寂初收雨飛鳥窺魚下釣磯新綠陰中稀
客過落花風裏獨僧歸那知隔水有烟寺時聽疎
鐘來翠微山影不教春易去替人先為掩柴扉

金處士以洞庭春茗餉客次杭編修韻

深草已沒莓苔階蟲聲唧唧吟聲皆烟霞肺腑本
常淨清泉白石時為齋秤量茗水無偏頗柏子香
話墮集

消灰剩火沸湯恰當落葉初簌簌疑聞秋雨墮季
疵經被蝸涎蝕先生棄擲殘書側別有三昧問老
謙一壺冰雪浮春色

原作

仁和杭世駿董浦

木瓜樹大紛蔽階先生晏坐清影皆西風打窗
送涼雨秋士續續來高齋齋前石鼎平不頗童
子開門取石火忘言相對捶玉琴落葉忽驚飛
鳥墮拾尋篆字青蟲蝕掃葉煎茶仍樹側定蕤
清泛乳泉香中有春初洞庭色

訪薛蓬客道士山居

小兆稱名後駸駸已忘年興來披鶴氅仰望降神
仙茶異世閒味覓分天上泉我爲幽隱至不是問
丹鉛

過田孝子世容守廬

頭白歸來省卜居赤山埠有舊林廬炊雲偶爲畱
僧飯漱石常耽讀佛書十載耕漁奴是伴一村梅
竹鶴同鋤情猶諱老嫌扶杖負手溪邊看種蔬

游聖因寺同吳別駕元鑒

湖頭新改梵王宮龍象雲奔白社隆洵是那伽成
大隱却無小草墮偏空一塵不到竹閒閣六月常

話墮集

卷一

三

來水面風回首請君烟際望畫檐微露夕陽紅

施上舍

安同姚孝廉

大呂

許山人賓林上

舍

文元

秋夜宿契原草堂

荷香不斷愜清遊浴鵝灣頭見泊舟尋我恰逢花
滿塢參詩且趁月當樓栖禽影冷枝枝露落葉聲
傳院院秋明日林閒分手去草堂還記白雲不

招賢寺看荷花次萬太史經原韻

搖風蓋欲飛映水花欲語對之傾樽疊小戶亦可
巨茲賞豈偶然要知天付與花好能幾時會合若
羈旅山雨曉來晴湖面紛霞舉清香時襲人轉覺

益歡緒歸棹溯空濛南屏在何許俄見月銜山照
我泊幽渚

李制府

衛

以舟招過曲院風荷看芙蓉同

王中丞

璣

張方伯

適

童蘇州

華

院曲宜長夏山青最是秋避沙妨淺泊招衲合清
游枝亞堪藏鴨花深不蔽舟沿塘紀歸興蒲荻晚
修修

次吳舍人韻題萬峰山房圖

因境有樹故畫而我畫中無樹於今樹畫歷然萬
壑樹聲何處

話墮集

卷一

四

原作

錢唐

吳嗣富

崑田

潺潺碧水一灣靄靄清陰幾樹扶筇欲訪高蹤
人在白雲深處

書贈吳侍御

萬花村外泊扁舟云是先生認舊游萬里山川僧
共話十年魂夢月同愁晴看竹影題蒼壁雨驗鶯
梭織寺樓儻不嫌過頻問字攜琴代酒許余不

辛亥夏臥病南屏之清梵堂讓山衲兄以

詩見贈次韻奉荅

仁和吳

濤旭亭

萬里歸來一葉舟病栖山寺息交游燈前夜雨

催朝雨枕上新愁雜舊愁
遣興偶尋芳草畔懷
人獨倚夕陽樓無奇莫作揚雄擬
許學東林靖節不

飯繆太史日芭雙泉草堂

來茲一餐飯結客勝幽尋
蘋藻兩池綠茶瓜千樹
陰斜陽窺不見清暑話爲深
欲去復忘去應無所住心

重過梁溪華藏寺千野草堂

憶過青山正麥秋當時那復計
重游炎思于野堪消夏夢想
夫椒又放舟樹不多陰半邊
老竹無鱗話墮集

卷一

五

入比前修壁間誰爲勤呵護
字帶蝸涎句尚雷

宿毛氏擁青閣懷仲博士蘊錦潘四呈瑜

昏黃羣動息百感靜方興爲客
一年別還家涼夢會秋分臨水
閣風掃絡檐藤索句酬良夜幽懷
寫不勝

同巨心法兄訪沈歸愚先生德潛不值

村市不寂寞人家溪東西溪邊
幾秋樹影壓寒玻璃綠蔭環短
垣水涼飛鳬驚朱霞夏天半可望
不

峴山懷古

日移霜葉影疎分水際人家半
鎖雲浮玉有情橫遠興窪樽無
酒澹斜曛寒孤穴守明霞墓斷
碣苔侵逸老文照眼薜蘿繁廢
甃晚風蕭瑟那堪聞

荅川客舍送潘孝廉質厚遊閩

客裏歌詩送客行梅花倍覺冷
清清君南我北同春色吳月燕
雲兩地情莫謂星辰增寂寞儘
多山水應逢迎儻爲十八孃畱
住望寄音書過盛京

半月泉

欲潔一泓水當泉覆小樓從來
云半月自古不中秋雖可全身
照猶疑破鑑浮蟄龍如待釣何
必遠話墮集

卷一

六

尋鉤

送白豆園主人明章北遊

江聲卻值走寒潮岸看橫秋
翻遙霜葉影疎津口樹蘆花
風細月中橈日邊爾去增高
雅湖上人歸轉寂寥異地烟霞
如有句寄來先望及漁樵

立夏日嶧縣舟中作贈尹太守士份兼示

潘質直質粹二子

薺麥將秋四月初柳青青外見
村廬雖無櫻筍酬佳節喜有琴
樽佐讀書是處人皆堪語笑須
知道不別親疎因時偶憶吾幽
隱雲漲碧岑湖上居

柏林寺栖心堂晤具宜尊者

纔來薊北目無親，偶晤天中舊主人。
老大尚甘酬物望，後生寧不壯精神。
倦趺蘚石雲生滅，涼臥風檐月滿身。
欲過院西頻請益，恐師嫌數每逡巡。

月下聞雁咏懷呈 愛月居士

一瓶一鉢寄閒身，山水盤桓到處親。
深夜忽聞沙際雁，關心最是客中人。
月疎柳影秋將盡，時望鄉音夢亦頻。
動隔經年千里外，蘋花風冷授衣新。

乙卯春重過西山法海寺

三月云將盡，春行正是時。
怯寒花半放，無力柳常垂。

話墮集

卷一

七

敲雨宿昏巖寺，苔侵剩壁詩。
未曾言別去，相訂再游期。

還山月餘對新荷憶海少司農望

憶晤瀛仙署南歸，又月餘君多長可。
念我竟嬾無如野性，宜正壑庸才愧。
詔書水涼山寺靜，風戢綠芙蓉。

琴臺看梅

徑穿叢竹上琴臺，臺畔梅花已徧開。
春靄暖聞香暗度，山亭餘照影斜來。
意疎擬似池邊鶴，展綬無妨樹底苔。
咫尺不愁歸路晚，一鉤晴月且徘徊。

次韻

仁和黃樹穀 松石

法華臺上憶琴臺，聞道梅花已徧開。
春到豈無人共訪，夜深應有鶴重來。
何當踏月參疎影，却恐題詩破古苔。
妙筆清真見香色，一回吟誦一徘徊。

徘徊

送鄭履仁冒雨歸桐橋次怡賢主人韻

水村山店掩柴門，古岬垂楊帶雨昏。
借笠蓋頭歸興好，雨絲風片蕩吟魂。

秋興

風傳砧杵客驚心，池館新涼秋水深。
庭際古烟籠

話墮集

卷一

八

柏影簾前疎月破，桐陰誰知至道非。
關學我笑元蟬盡力吟，此日西湖頻在望。
滿花香繞碧雲岑。

題九芳同參濯足圖

腳根穩當已多年，濯處堪稱悟道泉。
放下經行閒拄杖，更從誰覓草鞋錢。

坐小吳軒同蓮峰大師茶話

瀟灑心情空復存，小吳軒共話寒暄。
雲蹤無定任南北，秋思偏多易曉昏。
萬竅作聲風在野，衆山如洗月過村。
垂楊疎落烟遮處，隱有扁舟泊寺門。

冒雨登烏石峰探梅

待春晴好恐摧殘巾子峰頭冒雨看是處溼香來
繖底偏身空翠逼蓑寒絕無人影聞疎磬但見橫
枝繞碧湍七十二庵深竹裏幾多秀色有誰餐

題胡逢年蕉陰書屋

入野見茅屋蕉陰高覆墻那堪愁裏聽最是雨餘
涼綠暗橫琴石清分看月床結庵如許我得句願
書將

庚申立春後一日游竹素園

煖融檐溜雪初晴池水頻添綠漸生梅不待春同
臘盡枝還有意向人橫無多个竹宜名素卻有垂
話墮集

卷一 九

楊好繁情再著屐來深二月陰濃臺榭坐聽鶯

次韻 錢唐徐逢吉紫山

入春最喜見春晴指點名園春氣生芳草漸依
三徑綠梅花猶剩一枝橫冰開池水疑無底風
動簾衣似有情記得去年櫻筍候曾於此地聽
啼鶯

又 錢唐張世瑩無夜

揭來湖上喜初晴竹素園中春漸生巖際冷雲
風色動澗邊新綠雪枝橫散花天女芳菲意觀
樹神僧澹漠情園在花仲蔚獨眠蒿徑滿欲期

黃柳聽黃鶯

契原草堂看梅有懷金吉士文淳馮孝廉

浩汪編修師韓

倚檻獨看梅疎香忽遞來冰心愁遠寄驢背憶馱
回幹老籬撐住花寒月曬開橫斜苔畔樹曾記日
徘徊

次韻荅丁處士

高處無炎那計涼疎花叢桂滿巖房道人不合獨
消受居士肯來聞妙香綠暗紙窗延豆蔓舞翻梧
葉漏天光我無隱話急相語莫使莓苔冷石牀

話墮集 卷一 十

原作 錢唐丁敬純

一壑松風六月涼人閒最是篆公房未須白社
蓮花漏自有黃龍木樨香窗外鐘聲連鳥韻林
閒月去并湖光何時清話酬三宿瀟灑同師共
石牀

辛酉午日茸城張司寇照過訪傍晚即送

其同封翁竺西先生歸梅渚別業

斜日猶簫鼓遊人興未闌顏從五茸改心爲大夫
酸峰影上樓碧波侵晝寒西溪明月下歸坐釣
魚灘

題閨運判滿年生還圖

得無矜喜失尋常世戲從無不歇場覓取好詩紀
歸興宦情正壑兩都忘

七月十九日拜母遺真敬述

獻歲幾傷我秋初反哭親挑燈顧子影傾酒拜遺
真識幻堪無淚知恩倍悵神蒲鞋向懶織深愧不
如陳陳尊者繼履賣以養親見傳燈錄

題天山攬轡圖

庠奚古縣密雲中作力塵沙四塞風一種情懷向
誰洩蕭蕭寒曝叫冥鴻

話墮集

卷一

十二

雨後桃花港曉步

曉岸含春雨垂楊綠漸勻多情無過鳥到處若畱
人如此清幽境宜於不繫身泥香沾屐齒徧踏落
花茵

雨後過金處士農昔邪舊廬

晴不出山雨不行不晴不雨訪先生熱腸冷眼酬
知己童子無言市有聲

輓王上舍德淮

病阻看山約山中訪我稀豈期閱歲別竟作百年
蓬零雨灑原草陰雲寒夏暉竹林游徑在每過獨

獻秋

題畫寄懷黃處士昇

百頃風潭似石湖水窗搖動有青蘆幽人饒有閒
供給蓮葉堪衣米在菰

次韻酬杭太史沈編修

吾廬圍萬峰夔與塵境絕晴尚少過從雨更無人
跡頽塔頽醉翁蒼茫身半沒竹樹蕭蕭聲涼影散
清樾先生金闥彥心地自超忽乘興偕入山山雲
勿爲隔寒翠漬衣裳風吹溼漸滅高吟苔山靈得
句慰幽寂我亦歡喜生寧肯忍鈍拙橫琴默不彈

話墮集

卷一

三

對茲山水碧

雨過淨慈契原草堂聽讓公彈琴作

杭世駿

蕭條樓羅林一雨轉清絕穎師淨名室孤影澹
行跡棲棲木葉衣瘦肝遮不沒餘事出聲聞結
想渺林樾散作一指禪觸響動超忽七條冷冷
絃不與山水隔晚花散餘香幽徑豔還滅天高
風露澄戒縛破枯寂潭潭木石心鉤撥尚古拙
老猿躡月聽遙峰墮空碧

次韻

歸安沈榮仁葦村

放舟西郭門過雨聲未絕涼颼吹衫襟炎歊遁
無跡紅蕖或低昂白鷺幾出沒高岡俯湔流精
舍隱林樾導師迎客笑歲月話飄忽哦句禪味
深揮絃俗情隔逢場每閱世萬象紛起滅湛然
靈府中常照卽常寂余亦願證明機鋒苦鈍拙
何時演三車聯席對寒碧

題山舫觀湖圖

牧牛行者過峰頭圖我無帆沒槳舟舟固繫巖心
不繫雨奇晴好在湖遊

春日登烟雨樓

話塵集

卷一

三

我來晴亦好何必雨中看水濶眼先到春朝露未
乾一帆卸樵李百里見鹽官小犬向空吠片雲歸
淺灘

韜光坐飛雨軒作

一泓潛注類鶯漿鎮日涓涓爲底忙不是單酬僧
願已還飛作雨荅農桑

浴鵲灣晚歸

村逗荒烟數家小寺藏秋樹一僧歸人人祗解遙
搜索剩得好詩鴉背飛

題竹西圖

幾回欲買竹西舟今日翻從畫裏遊隔水蒼松千
點翠照人明月二分幽固無陳迹關清夢難忘遺
文在選樓暫別重湖定相訪涼聽歌吹入新秋

送許少府

士杰之任扶風

原似長蛇山犬牙漳川漆水瀉鉛華政閒儻有情
懷古爲我攜鐔早放衙

笕橋道中

冬瓜稅罷路蕭蕭黃鶴峰青是笕橋最愛此中無
俗聽酒歌時復雜村謠

夏日寫懷

話塵集

卷一

古

市南街北苦炎煎五月山房未折綿不是阿師遭
冷厄祗應買熱爲無錢
水樹圍庵在上方從無熱惱到巖房松風不斷六
七里狼籍山中多少涼

顧明府

之契

同人集山房避暑摘韋蘇州

精舍避暑詩廿字分韻

苔蘚日封徑客至尋舊蹤相於久茶話轉覺便疎
慵室敞許雲住竹深無暑通夕風起蘋末忽殷寺
角鐘

過勾留處書贈朱秀才

麟應兼簡祝孝廉

雜詩 錢貢士 載

續櫂歌成好補圖風流如見小長蘆招僧日共尋
詩舫六月荷風裏外湖以續劉禹錫詩

月

皓魄臨軒候何須秉燭遊他山無異照此處覺清
幽茂壘繁鄉緒花津漲賦流坐深涼不寐如夏復
如秋

自題竹趣圖小照

乘涼木榻坐無期綠愛新陰看竹移聞說此君能
療俗故圖形影就君醫

話墮集

卷一

五

還有涼如竹下麼慣來竹下小吟哦幽閒莫道人
無分何似山僧管領多

附 同人題竹趣圖聯句

深竹有幽趣坐聽琅玕聲顧之筵中有靜者影
簌簌清涼生周京虛中起妙悟直節見高情魯
曾煜九白坐禪定對青識嘉名厲鷗彷彿綠天
庵風露飄縱橫施安萬竿鳳尾密幾个雞腔輕
汪臺畫比淨照揭偈似多福呈丁敬寂應雨餘
磬韻叶風中鑑杭世駿涼霰落夏簾翠色圍山
楹張增小年日卓午秋信暑伏庚吳城何時就

林中同參玉版烹許承祖

與范侍御長發陸秀才載紀太子灣散步

涼意愔愔掩薜蘿寺門相約數經過池塘到處堪
圖畫葵莧青黃鴨睡波

雨過杭太史抱經亭

古桂森刺檐陰陰蔽深敞我來纔雨餘尚滴雨聲
響偃臥遲歸雲抱經絕俯仰天台靈鷲峰清夢或
來往野話固不經主客意朗朗挹此亭上趣頓忘
山中想從不爲物移今爲境所妄抵恐雨復來歸
去再相訪山屐蹶市塵垢淨迥然兩何時結圓菴

話墮集

卷一

六

清平山之上辰夕便過從奇文相與賞

六月二日雨後周運判宣猷偕蔡廣文以

封見過

雨先掘堞倍煩增雨後清涼還未曾笑謂冷官難
療熱買舟偕訪住山僧

話墮集卷一

話墮集卷二

西湖 釋篆玉 讓山

西湖荷花歌

長日山游不寂寞扁舟復棹湖中央鷗飛魚跳各有適客情我意俱相忘不須妝點青芙蓉自有色溢紅朝陽水空一碧炎歊歇酒吞十里清芬香風露洽人詩思深若藻牽影衣裳涼青蓋歷亂亞波立一朵特起孤鶴翔娟娟滿淨天女面默默善酬濂溪郎南屏一幅寄歸興緩緩打槳沿橫塘

瓶花齋看漳蘭

話墮集

卷二

一

暑雨不數點幽香盈小窗花清寧有敵葉瘦已無雙涼蔭絡藤蔓華滋瀉酒缸閒園重注意石丈影幢幢

讀易圖爲粵西疊綠山長陸太史奎動作

何須五畝宅客裏有山居儘可消長晝難忘是讀書白頭窮一畫青簡著盈虛他日毋勞想披圖易識渠

雨中同沈學使卽景集字

垂楊著疎雨涼繫米家船山靜諸幽論詩清入綺禪石屏繡碧蘚村墅市孤烟鷗鳥亦多意翻飛紅

滿天

同集

沈榮仁

訪寺纔移艇人言晝雨妨溪回紛白鷺路滑誤

紅牆精舍舊路弄筆仍滋露舒眉又倚牀飯後

必一投機覺歡喜今昔兩俱償

夏日同周上舍京胡進士金副使志章

厲孝廉梁太史啟心金處士農杭編修

世駿過瑪瑙寺訪後僕夫泉

前僕夫泉宋僧智圓瀟在孤山下元僧芳洲藝竹得泉名後僕夫泉在今瑪瑙寺殿側

我本無外營動與山水伍聞尋僕夫泉葛衣輕欲

話墮集

卷二

二

舞荷風熏酒香烟光膩柔櫓寶雲仍啾啾瑪瑙荒

誰主側徑橫斷碑湮漫徒領頰一勺當殿門碧漱

髭堪數僧彌汲試烹甘香歲月古喜得澆渴遊餘

滴化爲乳宋圓興元洲名與泉共譜瘦竹故吹陰

蕭蕭清肺腑高蟬抱葉吟西村夕陽樹俯仰迹已

陳遼巡湖之許涼催感舊詩幾點蒼茫雨

立秋後三日同人雨泛

新涼最是雨纖纖青箬篷窗代織簾一隊鷗鷺仍渚宿幾聲鴻雁爲秋添荷無認處衝烟艇柳卻多情露畫檐我輩固稱都不染惟於山水獨傷廉